



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

7. Anima una in corpore triplicato.

urn:nbn:de:hbz:466:1-12221

SYMBOLUM 7.

Anima una in corpore uno, triplici loco situato.

Spiritus informet simplex ut corpus idemque,
Symbola vix Triadis commodiora dabis.
Affingas unam triplicato in corpore mentem,
Spiritus ast idem, non triplicatus erit.
Schemate sub simili nonnullus censuit Author;
Fulgit (a) Isaiæ visio clara Dei.

[a] cap. 6.

SYMBOLUM 8.

Tres animæ potentia

Memoria, intellectus, voluntas.

Index Ingeniti sit prima potentia Patris;
Altera sit Verbi quod Patris ore fluit.
Tertia vis animæ, sedes quæ substans amori,
Hæc Procedentis Flaminis esto typus.
Effigies Triadis non est hac pulchrior ulla,
Prototypique capax hæc erit una sui.

N. 1. Ex D. Tho. 1. p. q. 93. imaginem Trinit. in animâ principaliter attendi secundum actus, prout scil. ex notitia forimat verbum, & ex hoc prorumpit in amorem. Trinitas enim personarum secundum actualem processionem Verbi & Amoris distinguitur. Ac proinde dum dicitur per memoriam, intellectum & voluntatem representari Trinitatem, actus principaliter sunt intelligendi. Non tamen ideo sequitur quod in pueris & dormientibus non sit imago Dei, quia sufficit, quod actus sint virtualiter in suo principio: nam secundario & consequenter ratio imaginis attenditur secundum habitus & potentias.

N. 2. Triplice imago est in animâ humanâ. Prima in quantum naturaliter est apta ad intelligendum Deum, & vocatur creationis, vel etiam imago